

tantò sibi rem videri obscuriorem; verùm aliis etiam meliori si-
dere natis. Sanè Gregorius Nazianzenus de seipsò sic testatur:
Vix unum animò concepi, cùm statim trinò lumine circumfulgeor, &
vix tria distingvere incipio, cùm ad unum rursus sublimis feror.
Hinc tanta hìc sententiarum divortia, tantaq; tamq; periculosa
errorum voragines, quibus scotomatica submerguntur ingenia.
Quousq; igitur in cognoscendò DEO & per naturam & per gra-
tiosam manifestationem pertingere liceat, jam disquirere
constitui. Cæptis clementer annuat S.S.

TRIAS!



CAPUT I.

Tradens Notitiam DEI naturalem, ejus Media, Modum, ac Terminum, in genere.

Σύνοψις.

1. Quod intellectus per sensus DEUM non cognoscat, locò Augustini illustratur.
- (2.) Habilitas intellectus naturalis supponitur. (3.) Principium duplex asseritur.
- (4.) Via per Rationem concludendi ostenditur. (5.) Cartesiana Methodus nova
notatur. (6.) Recitatur & explicatur. (7.) Examinata profligatur. (8.) Dio-
nysiana collectio ut natura conveniens laudatur. (9.) Naturalem DEI cognitionem
negantes indigitantur. (10.) Instantia ab exemplis Atheorum petita subjicitur.
- (11.) Atheismum speculativum iisdem non probari demonstratur. (12.) Naturalis
hujus notitiæ imperfectio è Gentilium idolatria arguitur. (13.) Apologia quorun-
dam Ethnicorum πολυθεόντων averfantium dijudicatur.

§. I.

ANte omnia in ipsò statim limine ad animum revocandum
est, sensus, quos mentis satellites, eosdemq; duces ad verita-
tem scitè aliàs Plato appellitat, naturaliter in DEO vel indagando
vel capiendo prorsus deficere, cùm & abstrusissima sublimitas &
Es-